

মাধ্যমিক পর্যায় পর্যন্ত
বৃত্তিমূলক শিক্ষা
বাধ্যতামূলক করা হইবে

—শাহ আজিজ

প্রধানমন্ত্রী শাহ আজিজুর
রহমান বলিয়াছেন, দেশের প্রাথমিক ও মাধ্যমিক বিদ্যালয়গুলিতে
বৃত্তিমূলক শিক্ষা বাধ্যতামূলক
করা হইবে।

বাসস জানান, গত বৃহস্পতি-
বার সিদ্ধেশ্বরী বালিকা মহা-
বিদ্যালয়ের নবনির্মিত বিজ্ঞান
ভবনের উদ্বোধনী ভাষণে প্রধান-
মন্ত্রী একথা বলেন।

তিনি বলেন, আধুনিক বিজ্ঞান
ও প্রযুক্তি কৌশলের এই যুগে
সরকার চাহিদা পূরণের উদ্দেশ্যে
কারিগরি ও বৃত্তিমূলক শিক্ষার
উপর সবিশেষ গুরুত্ব আরোপ
করেন।

তিনি জানান, সরকার প্রতিটি
জেলা ও মহকুমা সদর দফতরে
মহিলা মহাবিদ্যালয় প্রতিষ্ঠার
সিদ্ধান্ত পর্যায়ক্রমে বাস্তবায়িত
করিবেন।

ছাত্র-ছাত্রী ও শিক্ষকদের
রাজনীতি প্রসঙ্গে তিনি বলেন,
রাজনীতিতে অংশগ্রহণ সকলের
নাগরিক অধিকার কিন্তু বিদ্যা-
লয়ের পাঠকক্ষে রাজনীতি চর্চা-
উচিত নয়।

উদ্বোধনী অনুষ্ঠানে মহিলা
বিদ্যালয়ের অধ্যক্ষা সৈয়দা শামসে
আরা হোসেন ও আরো অনেকে
বক্তৃতা করেন।